

Mazarin
2848
C.1
ptie. 9

Le neufiesme courrier françois...

UNIVERSITY OF N.C. AT CHAPEL HILL



00023007292

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin

2848

c.1

ptie. 9

LE NEVFIESME
COVRRIER
FRANCOIS,
TRADVIT FIDELLEMENT
en Vers Burlesques.



A PARIS,
Chez CLAVDE BOVDEVILLE, rue des Carmes,
au Lys Fleurissant.

M. DC. XLIX.

LE NEVFIESME
COVRIER FRANCOIS
EN VERS BURLESQVES.



Mercredy dixiesme de Mars
Vn Courier pesant deux cents marcs,
Car il est de taille assez grande,
Nous dit qu'en la terre Normande
Le Baron de Mare leuant

Les soldats qu'il alloit trouuant,
Cauallerie, Infanterie,
Tout pour la Mazarinerie,
Et pour ioindre au Comte d'Harcourt,
quelqu'un de nos troupes y court,
Et que Chamboy guerrier habille
Lieutenant du grand Longueuille,
Poussant apres les Cardinaux
Avec cinq ou six cents cheuaux,
Eut aduis qu'au Chasteau de Chesne,
Tremblants comme feuille de chesne,
Ces soldats auoient rendez-vous,
S'il y fut, le demandez-vous?
Lecteur, tu sçauras que ce braue
Les trancha plus net qu'une raue;
Car suiuy de trente cheuaux
Ayant fait faire alte à son gros,
Sans dire qu'il estoit des nostres
Il fut receu comme les autres
qui beuuoient en tirlarigor,
Leur chef prenant l'air d'un fagot,
Lors Chamboy qui se fit connoistre
Se rendit aisement le maistre,
Et prit ces pauvres Seignors-si
Tant qu'il en voulut à mercy.

944.03

M475m

No. 2848

817455

pt. 9

Ce mesme Mercredy dixiesme
 On nous mande du pays mesme
 Que Longueuille ayant iugé
 que par Harcour seroit siegé
 dreux qui se tenoit sur ses gardes
 Veu que neuf Enseignes des Gardes
 Et le Regiment Bourguignon
 Luy pouuoient porter ce guignon:
 Troupes qui ioignoient ledit Comte,
 Auec de bons canons de fonte,
 que ce beau-frere de Conty
 De Roüen bien viste est party
 Pour le secours de cette place,
 Ce qu'il fit par cette fallace,
 Il auoit huiet à neuf milliers
 Tant fantassins que caualiers
 Il mit sur l'eau l'artillerie
 Et par cette supercherie
 Harcour crût la voyant ramer,
 Qu'il alloit à Ponteau de mer
 Ce que n'approuuant pas le Comte
 Et pour obuier à la honte
 d'auoir cette place rendu
 Il y courut comme vn perdu,
 Ainsi le duc de Longueuille
 qui n'en vouloit point à la Ville
 Mais seulement secourir Dreux
 La secourut selon ses vœux,
 Et trompa bien ces pauvres haires,
 Car tirant huiet cents mousquetaires
 Et quatre cents cheuaux de nuit
 Ce qui pour cette place duit
 Les nostres partirent & furent
 Receus à Dreux qu'ils secoururent,
 Le duc à Roüen de retour.

Ieudy de mars vnziemes iour
 Le Parlement regla la taxe

Faite

RBC/NCU

Faite à Paris & non en Saxe
 Pour entretenir le soudart,
 Auec rabais aux vns d'un quart,
 Ordonnant pourtant que les droffes
 Qui seront compris sur les rooles
 De cette diminution
 Faute de satisfaction
 Demeureront décheus d'icelle
 Et par vente de leur vaisselle
 Par bons exploits & bons recors
 Ils seront contraints & par corps
 A payer les premieres sommes
 Aufquelles on taxa ces hommes;
 Et qu'ainsi tous autres nommez
 Sur ces rooles, seront sommezz.

Autre Arrest permission donne
 A toute sorte de personne
 D'apporter des grains à Paris,
 Et de les debiter au prix
 Qu'ils presteront leur marchandise;
 Ordre à tout Boulanger qu'il cuise
 Toute la farine qu'il a
 En pain bis, blanc, qu'il pestrira
 Afin que chacun puisse viure,
 L'un de trois, l'autre d'une liure
 Permis d'en cuire iusqu'à six,
 Mais passé ce poids, plus permis.
 Veut qu'à la halle soit conduite
 Toute la farine non cuite
 Que Paris reçoit chaque iour,
 Pour estre à chacun à son tour
 Liurée à diuerse mesure
 Sçauoir aux hommes de roture
 Auecque moderation
 Et selon leur condition:
 Pour Messieurs de la blutterie
 Gent qui fait fort la rencherie

A qui chacun comme à parquer
 Crioit ie suis vostre vallet;
 Appellant durant la famine
 Leur femme, comere, ou cousine;
 Ces gros Messieurs, dis-ie en prendront
 Autant de septiers qu'ils voudront
 Deffences à tout personnage
 D'arrester ou mettre au pillage
 Les farines ny leur charrois
 Commandement fait au Bourgeois
 D'empescher cette gribouillette
 Qui des charrettes seroit faite,
 De courir sus, & d'estriller
 Ceux qui voudroient ainsi piller.

Ce iour parut à l'audience
 Auecque lettre de créance
 Que dans ses poches il auoit,
 Vn Gentil-homme qu'enuoyoit
 Monsieur le Duc de la Trimouille
 Qui voulant empescher la rouille
 De son courage Martial,
 A monté sur son grand cheual
 Pour le secours de nostre Ville,
 Et fait desia prés de huit mille
 La moitié monté sur roussins
 L'autre moitié de fantassins
 Qu'il n'attend rien pour mettre en voye
 Qu'un ordre que la Cour enuoye
 Dont il demande l'vnion
 Auecque vne Commission
 Pour arriuer en diligence,
 Surquoy la Cour à l'audience
 Incorpora par son traitté
 Ce duc de bonne volonté,
 Qui pour son secours s'interesse,
 D'Estissac, & d'autre Noblesse
 Qui s'attroupe en diuers quartiers

Auëc la Ville de Poitiers.

La nuit les troupes ennemies
 Que nous croyions estre endormies
 Vinrent voir ce que nous faisons
 Et le pont que nous acheuions
 De batteaux dessus la riuere;
 Cet ouurage ne leur plut guiere
 Et ces troupes qui n'estoient peu
 En voulurent faire du feu,
 C'estoit du costé de la Brie
 Que ladite caualerie
 Parut pour allumer ce pont,
 Mais leur retour fut aussi prompt
 Qu'auoit esté leur arriuée
 Heureuse de s'estre sauuée,
 Puisque Messieurs nos Generaux
 Alloient les tailler en morceaux.

Vendredy douze retournerent
 Et les articles apporterent
 Que Nosseigneurs les Deputez
 A Ruel auoient arrestez
 Il estoit tard quand leur presence
 Nous donna beaucoup d'esperance.

Dés ce iour à tous fut permis
 De boire avec les ennemis;
 Et l'on sçait que les deux armées
 Depuis ce temps se sont aimées
 Il n'est pas resté pour vn grain
 De badaut ny de Mazarin.

Et sur de grands batteaux en suite
 Force farine fut conduite
 Que l'on descharge à l'Arsenac,
 Que n'a pas predit l'Almanach,
 Luy qui disoit (qu'il aille au diable)
 Prise de ville esmerueillable,

Nous aurions esté bien marris,
Si c'auoit esté de Paris.

Le Samedy du mois le treize
Le Parlement ne fut pas aisé
D'apprendre que nos Generaux
N'estoient qu'en termes generaux
Compris au traitté pacifique,
Sans auoir fourny leur replique
Veu que personne de leur part
N'auoit contesté pour leur part,
Il voulut qu'auant l'ouuerture
Et des articles la lecture
Derechef tous les Deputez
Allassent vers leurs Majestez
Pour y traiter des aduantages
De ces magnifiques courages,
Et de tous les interessez,
Tant les hauts que les rabaissez,
Qu'ils supplieroient le Roy de mettre
En vne seule & mesme lettre.

Ce iour on eut aduis certain
Que le sieur du Plessis-Praslain
Tira des garnisons voisines
Vn gros de troupes Mazarines
D'environ trois mille soldats
Auec lesquelles à grand pas
Il marcha dessus l'assurance
Que Monsieur l'Archiduc aduance
Entre les deux fleues vers Han,
Qu'il ne verra pas de cet an.

Le Dimanche la matinée
Et la quatorzième iournée
Que la plupart s'estoient bortez
De nos Messieurs les Deputez,
Lettre de cachet fut receüe

En ter-

En termes absolus conceüe,
 Portant vne interdiction
 De faire depuration,
 Que les Articles qu'apporterent
 De Ruel ceux qui confererent
 N'eussent esté verifiez,
 Surquoy messieurs furent criez
 Par l'insolente populace
 Qui les pouffoit avec menace,
 Et nonobstant ont resolu
 Que le lendemain seroit leu
 Le contenu desdits Articles
 Et qu'avec paire de besicles
 Ils examineroient de prés
 S'ils porteroient vne bonne Paix

Lundy la teste defublée
 Nos Chefs entrez à l'Assemblée,
 Ledsits artieles furent leus,
 Dont la Cour ne fit point refus;
 Ains l'accommodement accepte,
 Et veut comme elle trouue inepte
 Quelque Article de ce Traitté,
 qu'il soit derechef Deputé,
 Pour en obtenir la reforme
 Afin qu'en repos chacun dorme
 Ordonné qu'on dira deux mots
 Au profit de nos Generaux
 Qui pour cela feront escrire
 Ce que chacun pour soy desire,
 Pour estre au Traitté de Paris
 Tous les interessez compris.

Ce mesme iour Courrier du Maine
 A mis nos esprits hors de peine
 Où long-temps ils auoient esté,
 Si le Diable auoit emporté

Le grand Marquis de la Boullaye,
 L'effroy de S. Germain en Laye,
 Car il nous dit qu'il a paru
 Et deuers ces quartiers couru
 Et que sa demarche guerriere
 Ayant fait monstrier le derriere
 Au sieur Marquis de Lauerdin
 Lequel armoit pour Mazarin,
 Aussi-tost toute la contrée
 Pour Paris s'estoit declarée.

Mardy seize nos Deputez
 Sous des saufconduits apportez
 Ayant tous mangé d'une soupe,
 Se sont acheminez en troupe
 Pour leurs Majestez supplier
 Que du mois d'Octobre dernier
 La Declaration receüe
 Apres tant d'allée & venue,
 Pour le commun soulagement,
 Ne souffre point de detrimement.

Ce mesmeiour Messieurs de Ville
 Firent vne deffence vtile,
 De laisser sortir desormais
 De Paris, poudre, ny boulets,
 Ny tout ce que la Ville enferre
 D'autres munitions de guerre,
 Et comme disoit la chanson
 Ny plomb, ny mesche, ny canon:
 Mandement à la gent soldatte
 De sortir de la Ville en haste
 Tant de pied comme de cheual,
 Tant celle pour le Cardinal
 Que pour nous: enioint que bien viste
 Ils aillent coucher à leur giste
 Dans leurs ordinaires quartiers,
 Sur peine d'estre tous entiers

Et non d'une seule partie
Hachez plus menu que charpie.

Mercredy le Duc de Bouillon
Ayant pris congé du bouillon
Des medecines, des clysteres
De Messieurs les Apotiquaires
S'estant leué ce mesme iour,
Releva la Mothe-Houdancourt,
Dans le quartier de nostre armée
Ou la pluspart s'est enrhumée.

Le mesme iour au Parlement
Fut apporté le compliment
De Monseigneur de Longueville
Dont l'humeur est tousiours civile
Disant qu'il se feroit tuer
Plustost que ne continuer;
A quoy voulut faire responce
La Cour qui pese tout à l'once.

Fin du neufiesme Courrier.

Et non d'une seule partie
L'échec plus même que d'habileté

Messieurs de Duc de Robillon
Avec plus de noblesse
Les nobles, des nobles
Les nobles les nobles
Sont les nobles de nobles
Sont les nobles de nobles
Sont les nobles de nobles
Sont les nobles de nobles

Les nobles de nobles
Les nobles de nobles
Les nobles de nobles
Les nobles de nobles
Les nobles de nobles
Les nobles de nobles
Les nobles de nobles
Les nobles de nobles

Les nobles de nobles

